

KEMENTERIAN PEMBANGUNAN
USAHAWAN DAN KOPERASI**SIARAN MEDIA****KUSKOP SEDIA RM220 JUTA PAKEJ MODAL USAHAWAN DAN
RANGSANGAN EKONOMI INDIA (MUDRA) BANTU MASYARAKAT INDIA**

PUTRAJAYA, 18 APRIL – Menteri Pembangunan Usahawan dan Koperasi, YB Encik Steven Sim Chee Keong, hari ini mengumumkan pakej Modal Usahawan dan Rangsangan Ekonomi India (MUDRA). Pakej ini melibatkan peruntukan keseluruhan melebihi RM220 juta yang dikhususkan bagi memperkukuh ekosistem Perusahaan Mikro, Kecil dan Sederhana (PMKS) serta koperasi milik masyarakat India di Malaysia.

YB Steven Sim berkata, peruntukan melebihi RM220 juta pada tahun ini merupakan peningkatan sebanyak RM60 juta berbanding lebih kurang RM160 juta yang telah disalurkan pada tahun 2025 kepada PMKS dalam kalangan masyarakat India. Peningkatan ini turut mengambil kira sambutan positif yang diterima terhadap skim pembiayaan di bawah KUSKOP sebelum ini.

Inisiatif MUDRA akan dilaksanakan menerusi lima agensi di bawah Kementerian Pembangunan Usahawan dan Koperasi (KUSKOP) seperti berikut:

BIL	AGENSI	PROGRAM	JUMLAH PERUNTUKAN BAGI TAHUN 2026 (RM)
1.	TEKUN Nasional	Skim Pembangunan Usahawan Masyarakat India (SPUMI)	120 juta
2.	Bank Rakyat	Skim Bank Rakyat Indian Entrepreneur Financing-i (BRIEF-i)	15 juta
3.	SME Bank	Skim Pembiayaan Vanigham	50 juta
4.	Amanah Ikhtiar Malaysia (AIM)	Dana Program Pemerkasaan Usahawan Wanita India (PENN)	27 juta
5.	Suruhanjaya Koperasi Malaysia (SKM)	Bakti MADANI: RM 1 juta	11 juta
		Tabung Modal Pusingan SKM (TMPSKM): RM 10 juta	

Sehingga 31 Mac 2026, pelaksanaan inisiatif ini telah menunjukkan prestasi yang amat memberangsangkan. Sebanyak RM33.48 juta dana telah diluluskan, yang mana ia telah memberi manfaat langsung kepada 1,805 usahawan masyarakat India di seluruh negara.

Menurut YB Encik Steven Sim, MUDRA bukan sekadar bantuan kewangan jangka pendek, malah merupakan langkah strategik untuk meningkatkan daya saing PMKS masyarakat India dalam memastikan kelangsungan operasi perniagaan menghadapi ketidakpastian tenaga global. KUSKOP meneruskan tekad membina ekosistem keusahawanan yang inklusif, selari dengan aspirasi Malaysia MADANI.

Hebatkan Perniagaan Malaysia.

KEMENTERIAN PEMBANGUNAN USAHAWAN DAN KOPERASI
18 APRIL 2026

MENGENAI KUSKOP

Kementerian Pembangunan Usahawan dan Koperasi (KUSKOP) merupakan kementerian yang bertanggungjawab mewujudkan ekosistem keusahawanan yang holistik dan kondusif bagi menyokong pembangunan sosioekonomi negara yang inklusif, seimbang dan mampan. Fungsi utama KUSKOP adalah menetapkan hala tuju pembangunan keusahawanan negara dan membudayakan nilai serta minda keusahawanan dalam masyarakat Malaysia.

AGENSI - AGENSI DIBAWAH KUSKOP

BIL	AGENSI	FUNGSI
1.	Suruhanjaya Koperasi Malaysia (SKM)	Agensi pembangunan dan kawal selia sektor koperasi
2.	Institut Koperasi Malaysia	Institut latihan bagi pembangunan dan pendidikan koperasi
3.	SME Corp	Agensi pembangunan Perusahaan Mikro, Kecil Sederhana (PMKS)
4.	TEKUN Nasional	Agensi pembiayaan mikro dan perkhidmatan sokongan keusahawanan
5.	Institut Keusahawanan Negara (INSKEN)	Agensi pembangunan kapasiti keusahawanan
6.	Bank Rakyat	Institusi kewangan yang menyediakan skim pembiayaan keusahawanan dan Perusahaan Kecil Sederhana (PKS)
7.	SME Bank	Institusi kewangan pembangunan bagi perusahaan kecil dan sederhana
8.	UDA Holdings Berhad	Agensi pembangunan hartanah dan pengurusan aset
9.	PERNAS	Agensi pembangunan industri francais
10.	Amanah Ikhtiar Malaysia	Agensi pembiayaan dan fasilitasi keusahawanan kepada golongan berpendapatan rendah